

[Accueil](#)[Revenir à l'accueil](#)[Collection](#)[PARCOURS 1 - Consulter le corpus des recueils collectifs de poésies françaises du XVI^e siècle apparentés au *Trésor des joyeuses inventions*](#)[Collection](#)[ŒUVRE : Jardin de plaisance et fleur de rhétorique](#)[Collection](#)[Édition : 1501c. - Jardin de plaisance et fleur de rethoricque - Vérard](#)[Item](#)[1501c_Jardinplais_Verard] Esperant d'avoir quelque bien

[1501c_Jardinplais_Verard] Esperant d'avoir quelque bien

Présentation générale du poème

Titre de la pièceAutre Rondel.

Incipit non moderniséEsperant d'avoir quelque bien

Les pages

En passant la souris sur une vignette, le titre de l'image apparaît.

2 Fichier(s)

Présentation de l'exemplaire

Formatin-2

Imprimeur-libraire[Vérard, Antoine]

Date1501c

Lien vers la notice du catalogue de la bibliothèque où est conservé l'exemplaire<https://catalogue.bnf.fr/ark:/12148/cb33440286d>

Type de numérisationNumérisation totale

Emplacement du poème

Rang dans le recueiln° 253

FoliotationP1r, P1v

Présentation typo-iconographiquePas d'illustration

Informations sur la notice

Contributeur(s)Parra, Marine

ÉditeurÉquipe Joyeuses inventions ; EMAN (Thalim, CNRS-ENS-Sorbonne nouvelle)

Mentions légales

- Fiche : Équipe Joyeuses inventions ; EMAN (Thalim, CNRS-ENS-Sorbonne nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Image(s) : Source gallica.bnf.fr / BnF

Notice créée par [Équipe Joyeuses Inventions](#) Notice créée le 03/02/2018 Dernière modification le 04/11/2021



Sur tous ie suis mal atourne
 Car espoir ma le dos tourne
 Si ay tout brasse au rebours
 Par raison puis blasmer amours
 Quant en ce point ma ordonne
 Le despourueue.

¶ Autre rondel.

Amais si bien ne me peult aduenir
 fors à la mort me viégne brief querir
 si cessera ma grât douleur soub daine
 car de l'agueur d'enuy suis tât plaine
 Que ie ne scay que ie doy deuenir

Las ie ne puis auoir vng seul plaisir
 En souhaitant que ma fin soit prouchaine
 Ains languiray loing de mon vray desir
 Jamais si bien.

Or est ain si quil me fault maintenir
 Celant mon dueil / mes larmes retenir
 faisant semblant que soy toute saine
 Dôt mō las cuer feusse en moy tāt de paine
 Que se la mort me venoit detenir
 Jamais si bien.

¶ Autre rondel.

Mon cuer emble a ioye et dueil
 Et ma vie est amere et douce
 Et en desplaisir ie me couche
 Car plus resioyr ne me dueil

Et souuent doy ma dame a loeil
 Qui a mon desir se courrouce
 Mon cuer.

fortune monstre son orgueil
 Et ennuy me prent en escueil
 Quant doy celle qui plus me touche
 Et parler ny puis a mon dueil
 Mon cuer.

¶ Autre rondel.

Saint Valentin puis que iay fait de vo
 A saint ernoul seruiray desormais
 Car iay trouue de si estranges mes

En vous seruant que ie men tienne tous

face qui peult plus ne seray ialoup
 Qui sera bleu de luy tiendray mes plais
 Saint Valentin.

Se iay este icy et deuant tous
 Ce nest que v'saige/ on nen parle iamais
 On me disoit quant iestoye si fais
 Las monseigneur/ et que vous e fies doulo
 Saint Valentin.

¶ Autre rondel.

Ce mur hau estes vous sourde
 Mais qui vit oncques la pareille
 Puis qua vous seruit mapareille
 faictes que pitie en vous sourde

Ne cupdez plus que ie tarbourde
 Ne que crye a vostre oreille
 A ce mur.

Las iay par vous douleur si lourde
 Que ie ne dors ne ne sommeille
 Pour dieu dictes qui vous conseille
 Et se cest par ieu ou par bourde
 A ce mur.

¶ Autre rondel

Ng corps/ vng cuer qui na q̄ lame
 Plain de regretz et de douleurs
 Qui meurt et font trestout en pleurs
 Vous crye metcy ma gente dame

En larmoyant il vous reclame
 Et d'homme mort porte couleurs
 vng corps.

De dueil il a plus que nul ame
 Tant quil ne peult penser ailleurs
 Pour dieu escheuez ses clameurs
 Du se mettez deffoubz la lame
 vng corps/ vng cuer.

¶ Autre rondel.

Esperant dauoir quelque bien
 D'amours pour qui tant de mal porte
 p i

Comme vng coquin suis a sa porte
Mais laumosnier ne me dit rien

Trop bien me plains et tens la main
Monstrant la chere fort deffaite
Laumosnier dit/cest a demain
Ils sont couchez laumosne est faicte

Je men reuois tel que ie vien
fors que ma douleur est plus fort e
Mais bon confort si me supporte
Aendurer/dieu scet combien
Esperant dauoir. cc.

¶ Autre rondel.

 Atens laumosne de douleur
Par laumosnier de douly regart
Espoir ma promis de sa part
Quil me fera quelque faueur

En esperant que ma langueur
Cessera/qui tant mon cuer art
Atens laumosne cc.

Car comme loyal seruiteur
Jay tousiours seruy main et tard
Pensant quamours aura regard
Queque fops a ma grant douleur
Atens laumosne cc.

¶ Autre rondel.

 Onne moy vous aurez voz gaiges
Jen fus bien paye au partir
Plain de dueil iusques au partir
Ne sont ce plaisans aduantages

Serez amours entre vous sages
Il vous en fera repentir
Comme moy cc.

Repeuz serez de douly langaiges
Pour vous garder de departir
Quant est a moy ien suis martir
Bien tard congnoistrez telz ouurages
Comme moy cc.

¶ Autre rondel.

¶ Feuillet

 En amours a vng paradis
Quon acquiert pour mauky y auoir
Acquis y ay a dire voir
Aa place des fops plus de dir

Sans mal nay point este tousdiz
Pource voulsisse bien scauoir
Sen amours. cc.

Jay seruy des le temps iadis
Et loy aulement fait mon deuoir
Par raison on y deust pourueoir
Deu quil est Bray ce que ie dis
Sen amours. cc.

¶ Autre rondel.

 Es peuly ouuers ie ny voy goute
Et moins y voy plus y regarde
Jay esgare ce que ie garde
Certain ie suis de ce que doute

Ce qui ma tire me deboute
Trop tost me vient ce qui me tarde
Les peuly ouuers. cc.

Sans me toucher fort on me boute
Sans riens sentir mon cuer on larde
Et sans feu fault que brief il arde
Aueugle suis: car somme toute
Les peuly ouuers. cc.

¶ Autre rondel.

 Le iour mest nupt/ et ioye me nuist
Repos ne me sont que labours
Brief/iembraisse tout le rebours
De tout ce quon pient a deduit

Esper me fuit dueil me conduit
Je resiste contre secours
Le iour mest nupt. cc.

Jay nom sans bruit/arbre sans fruit
Dures espines me sont flours
Ainsi me gouuernent amours
Sans auoir autre fausconduit
Le iour mest nupt. cc.

¶ Autre rondel.